


CARNAVAL DI ARUBA LO LUCI AWE DEN SABADO SENSACIONAL



Riba e foto aki por mira Gilbert Correa den e trailer di Lee Tai riba Smith Boulevard.



Aki por aprecia e equipo di Sabado Sensacional cu productor Ricardo Peña, e joven actor Carlos Vivas, y e cameraman Leo Vrolijk cu e parcuru pa e shotnan.

** Awe tardi atraves di e prestigioso programa di Sabado Sensacional, Aruba su camaval 41 lo bay demostra gran parti di Mundo muy especial paisnan di habla Hispano, con nos ta celebra carnaval den un ambiente tranquilo sin igual y super luhoso.

Durante nos grandioso parada na playa, nos carnaval a ser filma pa e camaramen Leo Vrolijk y como animador tabata presente e popular joven actor Carlos Vivas. Tambe tabata presente e famoso animador Gilberto Corea y e productor Ricardo Peña.

DEN AMBIENTE ta spera cu awe tardi Sabado Sensacional lo sa di pasa e mihor gruponan di nos carnaval, y tambe kizas e exitoso super hit "Sake Boem Boem" lo resona, pa asina e sirbi tambe como un boost pa e produccion di Claudius Philips riba idioma spanjo.

Sin duda cu e filmacion di nos carnaval riba pantayanan di Venevision durante e programa sumamente popular den henter continentenan habla hispano y tambe na Estados Unidos, ta un promocion di gran importancia pa nos pais turistico.

Hopi no lo kere, pero e programa di Sabado Sensacional a popularisa hopi artista den exitonan grandi, manera porehempel esun recientemente di La India y

Marc Anthony cu nan hit "Viver lo nuestro".

Durante DEN AMBIENTE su bishita na Houston, Texas, USA, por a constata cu Sabado Sensacional ta un

programa hopi popular na e estado di cowboy aki.

Kisaz aki na Aruba nos mes no ta realisa cuanto promocion e carnaval aki ta significa pa Aruba durante e

prestigioso programa di SABADO SENSACIONAL. Palabranan di gratitud sin duda mester bay pa Atan Lee, kende ta e persona cu tin e contactonan

valioso cu e gerencia di Venevision, y a sa di convenenan pa bin filma nos carnaval aki na Aruba, enves di bay filma den otro pais...

COASTAL CLUB GRUPO DI AÑA TA GRADICI HENTER PUEBLO CARNAVALESCO...

** Coastal Club un biaha mas a ser eligi merecidamente como e grupo di año. Pa e buinta logro aki, e dinamico comision incansabel di Coastal Club kier a gradici un y tur pa medio di e columna di DEN AMBIENTE.

Nan ta sumamente satisfecho cu tur e sponsernan cu a sa di pone nan confiansa den Coastal Club, pa di e forma valioso aki yuda contribui y alabes engrandese carnaval di Aruba en general.

Tur e participantenan merece tur clase di elogio y merito, debi sin nan hamas Aruba lo por tabatin un grupo asina luhoso y ambiento.

Tambe Coastal Club no por keda sin gradici e balente grupo di Eddie Ras y Fritz Maduro y nan demas trahadornan, kendenan a traha inmensamente duro riba e precioso carosa, bodypeace y roadpeacean.

Na e bandanan musical cu



a sa di entretene tanto e participantenan como e mironesnan cu nan ritmo musical cayente yen di ambiente. E fabuloso animacion musical di tanto Dushi Band, Formacion Taxx y Super Orquesta Qua-si, tabata manera un vitamina pata pata di energia cu a inyecta e grandioso grupo den un alegria y gozo sin fin te final.

Un palabra di PABIEN ta

bay muy especial pa SUPER ORQUESTA QUA-SI, kendenan merecidamente a conquista e maximo premio como "BAND OF THE YEAR".

Tambe "last but not least" ta mas cu claro cu nan no por lubida di keda sin gradici inmensamente nan beyesima Reina Michella Lacle, kende a sa di representa Coastal Club den un forma dignamente.

Coastal Club ta sumamente orgulloso di por a participa un biaha mas den nos grandioso carnaval, y lo sigui participa pa asina contribui y mantene nan dushi tradicion, COMO E GRUPO SEMPER MAHISTUOSO Y LUHOSO !.. PABIEN ! COASTAAAAL Y CUMINSA TRAHA PA OTRO AñAAAAA...